

TE KURA KAUPAPA MĀORI O
WAIRARAPA



TE PŪTĀTARA



MŌHĒNI WAHANGA 1
WIKI 4 - 2025

TĒNĀ KOUTOU E TE WHĀNAU,

Nau mai ki to tātou mōheni mō te wāhanga tuatahi o te tau 2025! Tiro atu ki tō mātou whārangi pukamata mō ētahi atu pānui.

PG.3

HE PĀNUI

PG.4

He Kōrero nā te Tumuaki

PG.5

Te Aho Matua

PG.6

Ngā Uara

PG.7-14

Kura Pīpī Paopao

Kura nohinohi

Kura teina

Kura waenga

Wharekura

PG.15-16

Hākinakina

PG.17-18

Tūtaki Kaiako/Kaiawhina

HE PĀNUI

If you are not yet connected to our Facebook page, please jump on and join up



TE KURA KAUPAPA
MAORI O WAIRARAPA
WHARANGI PUKA MATĀ

Important dates

Tuesday 25 - Thursday 27 Feb: Kura closed

Friday 28 Feb: Teachers Only Day

Monday 3 March: Kura as per normal

Pōhiri mō Te Rangiura o Wairarapa me te whānau @ 10am

Te Poropiti 1881



Whakanuia WhāNau

Bring a kai and wai (picnic) and a whāriki (blanket)

Date: Sunday 16th March
Time: 12pm - 4pm
Location: Te Ropiha Marae
Queen Elizabeth green space

"Ka ngaro te reo, ēngari ka hoki mai i ngā tamariki"
"The language will be lost, but it will return in our children"
(Te Ohāki o Pāora Te Pōtangaroa 16th March 1881)



DENTAL REMINDER

Book your college age student in for their annual DENTAL check-up!

KEY MESSAGES

- Take your college age student to your local dentist every year
- Your college age student does not have to be at school - they just need to be under 18!
- Annual check-ups with your dentist start in Year 9
- Your 17 year old should have a visit before they turn 18 - If your child has never been seen or missed their last check-up, get seen now!

Don't wait for the practice to call you. Ring your local dental practice to book an appointment NOW!

LAUNCH

QR VIDEO TRAIL



March 1, 2025
at 2.00PM
Worsleys Green



WHĀRANGI TUMUAKI

Tēnā tātou e te whānau me aku mihi matakuikui ki te katoa. Nei rā te nui o mihi ki a tātou tauira, tātou whānau e tū ana ki te mura o te papatūwaewae ki Taranaki i tēnei wiki, rātou e whakakanohi ana i a tātou o te kura, o te kāinga, o te Wairarapa - karawhiua!

Kua pai te tīmatanga o te tau kura, he nui rawa te mahi hei whakarākei, hei whakaniko i tō tātou nei kura i tēnei wā - ko te whakarite i te papa hākinakina ki te whīra me te 'turf', waihoki ko te waihanga mai i tō tātou nei whare wānanga. Ko te manako nui ia hei te Matariki ka whakatūwhera - taihoa ake ki puta ngā kōrero.

Koia nāku i tēnei wā.



TE AHO MATUA

Ko te Aho Matua te tahūhū o tōku kura, ko ngā tikanga ngā heke, ko te whānau ngā pou pou.

Te Tino Uaratanga

6.3 Kia tupu nga ahuatanga tuku iho o tona pumanawa ki nga tihi teitei o te taumata.




"Ruia te taitea, Kohia te rangiura"

KUHA TE TAITEA KOHIA TE RANGIURA

Te whakatinana ake i ngā uara o tō tātou Kura!

Pono KOTAHITANGA WHANAUNGATANGA RANGATIRATANGA

Te Ira Tangata



Te Reo



Ngā Iwi



Te Ao



Ngā Āhuetanga Ako



PIPI PAOPAO



Hari tau hou pākeha ki a tatau katoa. Nau mai hoki mai ki Pipi Paopao. He maha ngā kaupapa miharo i mua o te aroaro. Me Māori tatau i roto i ngā mahi katoa. He mihi mahana tēnei ki tō tatau kaiako hou a Grace Paku, e noho tahi ki Pipi Paopao. Nau mai whakapiripiri mai ki ngā tamariki hou anō hoki.







Nohinohi



Nau, piki mai ki a Kura Nohinohi 2025.

Ka rere ngā oha o te ngākau ki a koutou ngā kanohi hou kua tūhono atu ki a mātou o Kura Nohinohi, otirā ki a mātou o te kura i raro i te tāwharautanga o ngā mātāpono o Te Aho Matua.

Whītiki taua!



Kura Teina

E ngā pī karere o te kura, rarau mai anō ki te ao hāpai i ngā mahi a hākui mā, a hākoro mā, ka tau.

Ko **Whaea Piri** rāua ko **Whaea Hubba** ngā kaiako o Kura Teina. Kei te whiti mai te rā, nō reira tukuna mai ngā kākahu kaukau ia te rā. Kei te whakawhanaunga tātou i tēnei wāhanga. Nau mai te Matatini, kia whakanuia i tō tātou kapa a **Te Rangiora o Wairarapa**, otirā ngā kaiako me ngā tauira o te kapa, **“Ruia te taitea, Kohia te Rangiora”**



Kura Waenga



Whakamaua te kōrero
Whakamaua te te wānanga
Whakamaua kia Ranginui e tū iho nei
Whakamaua kia Papatuānuku e
takoto ake nei
Whakatina ki te tumu o te
māramatanga kia tina!
Hui E! Taiki E!



NAU MAI, HOKI MAI MŌ TE TAU HOU NEI 2025

E rere kau atu ana ngā mihi kia koutou te whānau kua hoki mai ki Te Kura Kaupapa Māori o Wairarapa. Ko te manako i tutuki pai ai o koutou hararei, ā, kua rite anō ngā tamariki ki te ako.

KO WAI TĒNEI E WHAKAPĀHO ATU ANA KIA KOUTOU???

He uri tēnei nō ngā iwi o Tūhoe me Ngati Awa, nō reira ko whaea Marata tēnei e mihi kau atu ana kia koutou. Mā māua ko whaea Ngahuia Tate te akomanga o Kura Waenga e hāpai, e tautoko i tēnei tau. Nō reira kei te mihi, kei te mihi, kei te mihi.



WHAREKURA

Hōpuni ki Rangiwakaoma
Tau 8-10



WHAREKURA

Haerenga ki Te Mahia-mai-Tawhiti



HĀKINAKINA – KURA TUATAHI

Ka pū te ruha, ka hao te rangatahi

Mōrena e te ao whānui. Koinei nga hākinakina mō tēnei wāhanga e te whānau. Heoi, kia koro mai! Kua tata pau katoa te wā kia rēhita i ngā tīma hākinakina.

2025 Sports for Term 1

Kura Nohi Tee Ball **y1-3**

Kura Teina Modified Softball **y3-5**

Kura Tuakana Softball - Fridays **y5-8**

Ki o Rahi Tournament - Riversdale Beach
Years 5-8 students only

Future Ferns Netball **Years 1-4**

Rangiātea / Ngā Puāwai

Tapu Ae - Lakeview School
y3-4

Swimming **y3-8**

**We are still wanting coaches for our teams
whānau, nō reira tautoko mai.**

HĀKINAKINA - WHAREKURA

Tū nui, noho iti



Mamae poto, reka roa



Ko te pā whutuporo, waka ama, poirewa me te kaukau ngā aronga hākina mō tenei wāhanga.

Ki te kotahi te kākaho ka whati. ki te kāpuia. e kore e whati

Tūtaki

KAI AKO

Ana Tapiata

*Nei rā te mihi maioha o tēnei uri
o Tūhourangi Ngāti Wāhiao, o
Ngāti Pikiao, o Te Whānau a
Iritekura, o Ngāti Rangitihī.*



Ko Whaea Ana ahau ki ngā tamariki o Wairarapa. Ko Kui Ana ki aku mokopuna. E whitu aku mokopuna ake. Ko Amiriaata rātou ko Te Whaiora, ko Kahumapera, ko Hinekura, ko Te Makoha aku mokopuna e kura ana ki tētahi kura kaupapa Māori Te Aho Matua. Ko Maururangi rāua ko Kiwara ngā pipi mokopuna kāore anō kia eke ki te rima tau.

E toru aku tamariki ake. Ko Harawene taku mātāmua, ko Kahurangi taku mātāmuri, ko Nawaia ki waenga. Harikoa taku whanau katoa ki te rongo i te mauri aroha e rere haere ana i taku pōhiri ki te kura nei.

Kua roa rawa ahau e hoe ana i tēnei waka o Te Kura Kaupapa Māori Aho Matua. Kaha whakapono tonu ahau ki tēnei ara mātauranga, kia whakatipu Māori atu te tamaiti Māori.





E waru tau au e whakaako ana ki te kura tuatahi engari ko tēnei taku tau tuatahi ki te taumata wharekura. Ka mahi tahi mātou ko Whaea Bubba, ko Whaea Lei ki ngā akonga Tau 8-10.

Ko aku kaupapa ki te wharekura, ko te Reo Māori ki ngā Tau 9, ko te Pangarau ki ngā Tau 8 ā ko te Putaiao ki a rātou e hiahia ana. Ka mahi tahi hoki māua ko whaea Bubba ki te whakarite Manu Kōrero. Ko te Whakangā tētahi kaupapa hou i kawea mai e au ki te wharekura nei. Kātahi te wero nui ki ngā tamariki engari kei te waia haere!

Hei whakakapi, nōku te whiwhi ki te whai tūranga ki te Kura Kaupapa Māori o Wairarapa. Tēnā koutou, tēnā koutou, tēna koutou katoa.

